

**Dissertatio medica inauguralis, de abortu ... / Eruditorum examini subjicit
Johannes Redman.**

Contributors

Redman, John, 1722-1808.

Publication/Creation

Lugduni Batavorum : Apud Conradum Wishoff, [1748]

Persistent URL

<https://wellcomecollection.org/works/vdcfczmy>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO MEDICA
INAUGURALIS
DE

A B O R T U.

Q U A M

FAVENTE DEO TER OPT. MAX.

Ex Auctoritate Magnifici Rectoris

D. JOANNIS ALBERTI,
S. S. THEOLOGIAE DOCTORIS, EJUSDEMQUE FACULTATIS
IN ACADEMIA LUGDUNO BATAVA
PROFESSORIS ORDINARIJ.

NEC NON

Amplissimi SENATUS ACADEMICI Consensu, & Nobilissime

FACULTATIS MEDICAE Decreto,

PRO GRADU DOCTORATUS,

Summisque in MEDICINA Honoribus, & Privilegiis rite, ac legitime
consequendis,

Eruditorum Examini subjicit

JOHANNES REDMAN, Pensylvaniensis.

Ad diem 15. Julii 1748. hora locoque solitis.

Nulla est quae pulchriora laborum praemia cultoribus persolvit,
quam medica sapientia.

H. BOERHAAV. *De usu ratiocin. Mechan. in Medicina* p. 54.



ABORTU.

JOHANNES ALBERTI
THEOLOGIC DOCTOR, PUBLISSEUR FACULTATIS
IN ACADEMIA LUGDUNO-BATAVA
PROFESSOR ORDINARIUS

JOHANNES ALBERTI
THEOLOGIC DOCTOR, PUBLISSEUR FACULTATIS
IN ACADEMIA LUGDUNO-BATAVA
PROFESSOR ORDINARIUS

JOHANNES ALBERTI
THEOLOGIC DOCTOR, PUBLISSEUR FACULTATIS
IN ACADEMIA LUGDUNO-BATAVA
PROFESSOR ORDINARIUS

JOHANNES ALBERTI
THEOLOGIC DOCTOR, PUBLISSEUR FACULTATIS
IN ACADEMIA LUGDUNO-BATAVA
PROFESSOR ORDINARIUS

JOHANNES ALBERTI
THEOLOGIC DOCTOR, PUBLISSEUR FACULTATIS
IN ACADEMIA LUGDUNO-BATAVA
PROFESSOR ORDINARIUS

JOHANNES ALBERTI
THEOLOGIC DOCTOR, PUBLISSEUR FACULTATIS
IN ACADEMIA LUGDUNO-BATAVA
PROFESSOR ORDINARIUS

A M P L I S S I M O

A C

S P E C T A T I S S I M O

V I R O

D GULIELMO ALLEN,

URBIS PHILADELPHIÆ,

SENATORI GRAVISSIMO, IRENARCHÆ

INTEGERRIMO.

Excellenti virtute, præclarisque animi dotibus cumulate
ornato: nec magis ob summam morum integritatem,
quàm plane singularem, quâ omnes prosequitur,
benevolentiam, conspicuo: nec minus, ob
insignem, qua me meosque complexus
est, munificentiam, memorando.

MÆCENATI SUO IN PERPETUUM COLENDO.

V I R O

E X I M I O

D. JOHANNI KEARSLEY,

MEDICO IN EADEM URBE CELEBERRIMO

Ingenio, arteque Sanandi peritiâ, & successu

I N S I G N I.

A 2

NEC NON

NON NEC NON
V I R O
L E C T I S S I M O
D. THOMÆ BOURNE,

Non magis ob insignia ipsius in multis aliis merita,
Quam quod sibi fuit vitricorum optimus.

U T E T
J U V E N I G E N E R O S O
D. JOSEPHO REDMAN,
FRATRI SUO DILECTISSIMO,

*Theses hasce Medicas, studiorum suorum Primitias;
Qualemunque perennis observantiæ,
Animi grati &
Amoris tesseram,*

D. D. C. Q.

JOHANNES REDMAN.



PROEMIUM.



præteriiit jamdudum, irretorto pede præteriiit felicissima illa ætas quæ ver erat æternum, nec terras fædabat hyems gelida, nec torrida torquebat æstas; qua tellus intacta rostro, nec ullis saucia vomeribus, per se dabat omnia. Tunc integro vitæ homini, scelerisque puro pæna metusque aberant. Tunc doloris morbiq[ue] nescius mentem sanam servabat in corpore sano. At quantum mutatus ab illo qui fuit, & nunc est! Post ignem ætherea domo subductum; post reclusam (deleat oblivio memoriam) Pandoræ pixidem, macies & nova malorum terris incubuit cohors. Jam semoti prius, tarda lethi necessitas corripuit gradum. Jam nihil sine magno labore dat vita mortalibus. Jam per gelidas hyemes, per igneos æstus, per inæquales ideoque (a) noxios corporibus autumnos, & breve ver totus annus exigitur. Sed nec miseriæ finis. Hominem si structuram & artificium spectes, naturæ quidem gaudens opus; at si morborum iliadem, novercæ ludibrium dixeris. Vix spiritum cæpit ducere cum ipsum undique circonveniunt offendicula. Suos quælibet ætas patitur manes. Nec ætalibus tantum, sed sui sunt cuique tempestati, cuique regioni, cuique corporis parti morbi peculiare. Adeo verum est totum esse hominem a natura morbum. Misera vero forte & iniqua videatur fæminarum speciei conservatricum fors, quod quamplurimis ipsis peculiaribus affectæ sunt Calamitatibus, & ea ipsa sola ratione quod matres fierent.

Quot interim & quantis beneficiis hominum quisque mulieribus obstructus sit, nullus sanæ mentis negabit. Virorum enim quis operosas & primæ infantum educationis institutionisque curas capescere fastidiosas, & iis se obligare vellet? Pro tam benefica in infantilem & puerilem gentem munificentia, summis encomiis celebrandæ fæminæ; non in hoc solum laudandæ; & nihil a virorum dignitate detrahendo, plurimum

(a) Celsus Lib. 1. Ch. 3.

P R O E M I U M.

num aliunde valent, ipsarumque excellentia, tum profanis tum sacris codicibus prædicatur. Maximis virtutibus sæpius præditæ: Ad artes & scientias habilitate cum viris certant fœminæ; venustate vero & eloquii dulcedine eos superant: Ad amorem compositæ, ut conjugii nexu blando, ad natorum procreationem conspirantes, continuo labentis speciei humanæ ruina perpetuo resarciatur. At quanto redimunt pretio liberalis naturæ dona?

Culpæ communis prima fons fœmina, amariores multo luit pœnas; Ipsius tranquillitati & valetudini undique insidiatur temperamentum dibile, partium delicatior structura. Instrumenta quæ ad menstruationem, conceptum, graviditatem, partum, puerperium, & lactationem dicantur, affectus multigenos, a virorum morbis longe diversos suppeditant; eminentibus menstruis pati ediscunt, nec sine discrimine menstruari obliviscuntur & desinunt. Non tamen a morbis quibus viri jactantur, immunes sunt fœminæ: graviore complicatione, gravius plerumque periclitantur.

Humanitate ergo & gratitudine ad morbos fœminarum studendos ducimur, inter quos illi, qui gravidationis tempore fiunt, non ultimum sibi locum venditent. Et quemadmodum nihil generationi animali frequentius neque majoris momenti, ad nobilissimam mundi visibilis partem, in perpetua mortalium inter se succedentium serie, continuandam; ita nihil genere humano utilius esse potest, quam modum scrutari investigareque, quo tuto conservatur ad perfectionem, & tandem debito tempore feliciter in vitæ lumen producat, quod in tenebris genitum fuit. Cumque corpus humanum, in quovis statu ad medicinam spectet, sic ejus ante & in, æque qua, post partum, conservatio, medico summæ debet esse curæ; hac de causa me tempus haud inutiliter impensurum existimaui, si studendo & investigando hanc gravissimam ac utilissimam materiem, (accuratiori indagatione dignam, ob duplex periculum nempe matris & fœtus, si aliquid mali accadat,) omnes animi nervos applicarem. Nisi vero institutis hujus Academiæ inter eruditos per orbem terrarum tam merito celebris, theses publicas, pro specimine studiorum, priusquam doctoratus gradum assequi liceat, facere obstrictus fuisset; hæc profecto typis in meos usus solummodo fabrefactis, neutiquam esset excusa. Me ipsum enim quod attinet. B. L. si optionem facerem, ætatem in rebus discendis tantummodo terere malem; sed alinæ matri subserviens, ejus mandata obsequenter exsequor, hocceque molimen tibi submitto. Tu interim, si in amplissima hac materia vires defecerint, aut in conscribendo ordine, vel ratiociniis error irrepserit & rudior stylus offenderit, benigno ut interpreteris animo, rogo & confido.



DISSERTATIO MEDICA
INAUGURALIS,

DE

ABORTU.

§. I.



uanquam corpus humanum ob symmetriam ejus
generalem, conditoris sui optimi sapientiam fa-
tis superque evincit; nunquam tamen magis de-
bet nostra incitari admiratio, quam in structu-
ra partium, earumque inter se consentia & de-
pendentia, ac mirā ad functiones quibus desti-
natæ sunt persolvendos aptitudine, perscrutan-
dis: neque minus admirandus est uniuscujusque

partis situs, & pro pulchritudine, & pro usu.

Ut ergo, de Abortu tractaturus, bono ordine eum pandam, ad
intellectum facilitandum pauca de situ & structura uteri, nec non
de menstruis & conceptu, præmittere, haud inconsultum habeo.

§. II. In hypogastrio, seu abdominis infima parte, quæ pelvis
dicitur, situs est mollis, pulposus, facile extensibilis, multum elas-
ticus, fere liber, nec fixus, vix pressus, totusque pene vasis con-
stans uterus: hicque collocatum existimamus, quia locus ille ge-
nerationi aptissimus est; nam non solum sine ullius partis læsione
pro fœtus magnitudine in magnam molem distendi possit, verum
etiam ab omnibus externis injuriis protegitur ac conservatur: ab
anteriori namque parte, ab osse pubis; a posteriori ab osse sacro,

DISSERTATIO MEDICA

a lateribus ab ossibus ilion, tanquam tutissimis moeniis circumdatur; Atqui etiam parituro foetui inde exitus ad inferiora facilis est.

Hanc uteri distensionem prudens natura in gravidis prospiciens, in foeminis, pelvis capacitatem ampliorem efformavit, quam in viris: Hinc in illis ipsae lumborum vertebrae incipiunt magis declinare, os sacrum brevius, latius & magis extrorsum vergit, tum & os coccygis rectior est & plus retrocedens, mucrum vero antrorsum vertitur, ut foetum sustineat, atqui simul ita articulatur, ut facile retrorsum flecti possit, & sic spatium augeat; ossa quoque innominata sunt latiora, plusque a se invicem remota; superius nempe ossa Ilii magis patula, cava, magisque ad latera reflexa, unde non solum inferiorem partem abdominis extendunt, sed ad uterum distensum sustinendum aptiora evadunt; inferius vero tubera ossium Ischii planiora, longeque plus distant; porro ossa pubis longe majori & obtuso angulo uniuntur, breviori vero sed crassiori synchondrosi coeunt, eorumque partes inferiores itidem magis extrorsum feruntur; ita omnia concurrunt ad apperturam foetum transmissuram augendam: denique femorum cervices magis transversae, cum trunco angulum faciunt majorem, adeoque ibi foemina latior est, ut latefcens in graviditate abdomen firmitus sustineri possit (a).

§. III. Uteri figura varia est: alia in gravidis, alia in non gravidis; in his figuram pyriformem obtinet, anterieus vero urgente vesica urinaria, posterius intestino recto, latera haec comprimuntur, magisque ad se invicem accedunt; sumptaeque inde diametri defectus, in aucta latitudine absumitur; adeo ut lagenae florentinae speciem quodammodo praese ferat; cujus portio latissima, fundus; angusta vero, cervix appellatur. In gravidis vero prioribus mensibus vesicae urinae non abfimilis est, pedetentim magis magisque distenditur, & quidem ita, ut postremis mensibus ad figuram sphaericam vel forte potius ovalem proxime accedat. Ad uteri figuram spectare videtur ejus cavitas, quae in utero non praegnante tam exigua est, ut fabam majusculam vix capiat. Hujusce cavitalis figura probe considerata, proxime ad triangularem accedit, cujus duo anguli in fondo existentes, utrimque a tubis Fallopiianis exiguo foramine perforantur; Angulus vero longior versus collum, ductum prioribus ampliorem format; pars cujus inferior

ter.

(a) Vid. Boerhaav. Institut. med. & Haller. not. Albin. osteol. Monro. osteol. Palsyn. Anat. &c.

terminat in sectionem seu rimam transversam, quæ proprie os uteri dicitur, & in virginibus tam exiguum, ut stylum tenuiorem solummodo accipiat: at in mulieribus quæ sæpe pepererunt major evadit. Hoc osculum uteri in vaginæ capacitate prominens, tincti piscis ori, aut ut Galenus mavult, glandi virili per simile est, glandulis non paucis donatum quæ lympham viscidam excernunt. Situm porro obtinet obliquum, fundo posteriùs superiùsque, cervice anteriùs, inferiùs vergente. Connectio est à parte anticâ vesicæ urinariæ; posticâ intestino recto, quibus veluti pulvinaribus incumbit; a latere vero, duobus utrinque ligamentis latis & rotundis firmiter in suo loco detinetur, dum cervix vaginæ accrescit. Neque tamen hæc vincula impediunt, quin scopus satis amplus distensionem suæ pateat, dum mulier utero gerit; fundus enim qui ad foetus incrementum augeri debet, omnino liber est, nullique annectitur parti, ut extendatur contrahaturque liberius.

§. IV. Est insuper uteri magnitudo varia pro mulieris ætate; temperamento, libidinis usu, corporis proceritate, foetura, aut sterilitate &c; neque proinde apte describi potest. Harveius (cujus nunquam sine reverentia oportet meminisse) in puellis teneioribus fabæ moli, in virginibus pubescentibus (ejusdemque fere magnitudinis est in vetulis) pyro, in mulieribus ovo anserino comparat (b); fortasse in validioribus, & iis quæ sæpe pepererunt, aut frequentius veneri indulgent, paulo major evadit. In statu vero præternaturali uterum 40^{nas} libras ponderasse, observatum fuit (c). Uteri autem mediocris longitudo ab osculo usque ad extremam fundi partem tres circiter digitos transversos adæquat; latitudo circa fundum duos digitos quadrat, circa vero collum, digitorum unum non excedit, ut Winslow & alii testantur (d). Alii vero cum De Graaf paulo plus volunt (e). Quoad crassitiem uteri, nec dum aperti, eodem fere modo, magis adhuc, prægnantis, differunt autores; parum forte refert quis verum dixit.

§. V. Substantia uteri quæ spongiosa est & vasculosa, duas fortitur membranas, cujus una externa communis, crassa, utcunque lævis, a peritoneo orta, simulque tanquam in sacculo uno intestinum vesicamque implicans; altera vero interna, propria ad fundum lævis admodum, aliquando villosa, pertusaque exiguis forami-

(b) De Generat. Animal. p. 272. (c) De Graaf de mul. organis.
(d) Winslow Exposit. Anat. de la structure du corps hum. Tom. 4.
§. 590. (e) l. c. - - Haller. not. in Instit. med. Boerhaav. §. 664.

minulis, sanguinem in cavitatem uteri distillantibus dum totus uterus compressus est. Hæc foraminula sunt oscula tubulorum a cellulis seu sinubus provenientium, per quæ suos effundunt liquores. Hi sinus ipsius uteri substantiæ inhærent, & tum illi tum illorum canales, dum mulier utero gerit adeo distenduntur & augentur ut apicem minimi digiti jam admittere possint, quæ antea ne quidem stylum admitterent.

Ad cervicem vero hæc tunica interna valde rugosa est & inæqualis, adeo ut plicas ejus tanquam valvulas descripserit *Morgagni*; inter has plicas, æque ac in margine externo cervicis orificii adfunt parvæ lacunæ, per quas fluidum mucilaginosum, os uteri post conceptum claudens, excernitur.

§. VI. Nervos a lumbaribus, sacris, sympatheticis maximis (vulgo intercostalibus) accipit uterus.

Lymphatica vasa tunicas tantummodo a peritoneo expansas irrigant.

Uteri arteriæ & venæ numero pene infinitæ sunt, serpentino ductu prorepentes, sine valvulis, a spermaticis, Hypogastricis, & Hæmorrhoidalibus ortum ducentes, inter se invicem in plexus reticulares mirifice unitæ, incurvatae, intortæ, per anastomoses communicantes, totum uterum ambientes, perreptantes, tandemque in innumerabiles ramos evanescentes, quorum fines, partim arteriarum & venarum continuationes fiunt, partim vero in sinus & in cavitatem uteri aperiuntur, & ab eorum usu vasa exhalantia ac absorbentia appellantur. Hi ramuli (nempe arteriosi) liquidum tenue continuo hic stillant; id autem quod in sinubus collectum sit, mora, dissipatis ac resorptis per venas partibus subtilioribus, mucosum fit, postea per oscula antedicta excernendum. Rubri vero sanguinis globuli non prius per eos transeunt, quam momento sanguinis per plethoram aucto, hi ramuli distendantur; tunc quidem sanguis floridus effunditur, qui purgationem menstruorum constituit.

Vaginam rugosam, utero paulo super osculum connatam, ab illo membranam internam, porulis plurimis humorem blandum mucosum sudantibus, quo lubricatur, defenditur, & a concretionem impeditur, perforatam, vasaque ab omnibus fere iisdem truncis, ac cum iis uteri communicantia, accipientem; aliasque partes vicinas haud ita necessarias ut describerentur, lubens transibimus.

In uteri descriptione jam data, duces habeo quamplures; Professores fama celeberrimos; Anatomicos accuratissimos; medicos per-

perspicacissimos. Inter illos vero fidem & attentionem meam præcipuam habuerunt, ipse Medicorum Coryphæus, præstantissimus Boerhaavius, in Institut. Med.; Clarissimi; Monroo in Act. Edinburg. Morgagni in adversar. Anatom., Malpighi in epist. ad sponium., Nortwyke in uteri hum. Gravid. Anat. & Hist. Winslow Exposit. Anat. de corps hum. De Graaf de organ. mul.

Sunt autem qui existentiam sinuum uteri dubitant, ut Eximius Nortwyke l. c. p. 112. & alii vid. Haller not. in B. Inst. §. 664. & tales in homine esse in universum diserte negat vir accuratissime in rebus anatomicis nemini cedens Ruyschius; cum quibus, propriis observationibus neque pugnare, neque sentire possum, sufficientibus destitutus. Sed auctoritate auctorum antea dict. fultus eos asserere ausus fui.

§. VII. De mensium profluvio variæ & dissentientes sunt autorum opiniones, horum examinationi hic nec licet nec lubet; ideo non nisi quantum refert ad subjectum illustrandum, de eo sententiam nostram proferamus.

Ex physiologia constat fæminas naturâ toto corpore molliori & extensibili factas esse; consentit mobilitas generis nervosi, dispositio ad convulsiones, animi motus; caro tactu mollior; pulsus debiliior; &c. Et ratio non minus evidenter patet; cum enim ita a natura determinatur, ut certis vitæ temporibus, uterus enormiter incrementum faciat, fætumque satis magnum tanquam novam corporis accessionem ex suo sanguine alere debeat, haud sanæ manere potuissent, si laxitatem partium abdominalium majorem ipsis natura dedisset, reliquas vero partes æque robustas reliquisset.

§. VIII. Vasa etiam fæminarum majora & debiliora vel laxiora sunt quam virorum: hinc minuitur vis qua cordi resistunt, incrementum fit velocius, citiusque *αυξην* suum adipiscunt. Hæc laxitas vasorum imprimis ad pelvim, & prope originem vasorum uterinorum insignissima est; non enim solum truncus aortæ descendens in fæminis, amplior est, ut Pitcairn (*b*) Friend (*i*) & le Fevre (*k*) habent; sed singulatim in illis Aorta versus Iliacas magis quam in maribus dilatatur. Denique arteriarum ex hypogastricis copia, & major est quam in maribus & valde magna pro portione uteri quem adeunt. (*l*)

§. IX. Corpora autem fæminarum a providente Creatore ita sunt con-

(*b*) De flux. menst. p. 154. (*i*) Emen. ch. 4. (*k*) Physiol. p. 169.
(*l*) Pitcairn. l. c. Fitzgerald de catamen. p. 49

constructa; ut debito tempore, sufficiens sanguinis gigneretur copia, quæ, fœminâ utero gerente, non solum in prolis tenerrimæ alimentum cederet; verum etiam lacti, quo postea in lucem editus infans aleretur, suppeditamentum præberet; nec gravida vel lactante existente fœmina, singulis mensibus illa abundantia per uterum evacuetur, nomine mensium, menstruorum, catameniorum &c. Hipp. sæpe vocat τα γυναικεια.

§. X. Incipit hic fluxus muliebris pubertatis tempore, in nostratibus a 2^{do} circiter septenario ad 7^{mum} usque, quod tamen variat, prout hæc vel illa serius vel ocyus ακμην adepta sit; aut aliam atque aliam servet rationem vivendi; fœminis enim opipare viventibus, ac otiose, genio nimium, nimisque maturè veneri indulgentibus, locisque calidioribus degentibus, corpus molle succulentum habentibus, his inquam menses copiosius ac citius fluunt, tardius periodum absolvunt, perque breviora intervalla redeunt; dum aliis aliter se habentibus, contraria fiunt.

§. XI. Plethora autem tunc temporis fit quia corpus ad ακμην profectum, vasa omnia eum possident statum, ut ulteriori augmento opus non habeant, & tamen vis ventriculi & viscerum χιλοποιητικῶν & αἱματοποιητικῶν de die in diem accrescat; hinc eadem saltem, si non major sanguinis copia elaboratur; quæ cum antea in corporis incrementum cederet, nunc accumulatur in vasis. Interim verum deprehenditur, eas longe minus perspirare quam quidem viri solent. Et plerumque sedentariam degunt vitam. His nunc addatur, quod per experimenta demonstravit, vir præstantissimus, maximæque sagacitatis, S. Hales; nempe in universum fœminas plus sanguinis quam mares habere (m); Et inter omnia animalia fœminam copia sanguinis excellere, ait Aristotele (n).

§. XII. Hæc nunc (§. VI. VIII. XI.) si vera sint, uti sunt verissima, constat, non posse non, quin hæc accumulatio fieret in vasis uterinis; quæ cum nunc duraverit per mensem, gravitatej & continua pressione ita dilatantur vascula uteri & vaginæ (§. VI.) ut superata resistantia sanguinem ipsum stillent, donec plethora imminuta sit, unde nimia illa pressione sublata, vasa, cum servant elasticitatem, plus se contrahunt, retinetur sanguis, dimittitur crassior pars feri, tandem sola illa lymphæ consuetæ; hoc factò iterum plus conficitur humorum, facilius aggeritur in vias jam semel dilatatas & huic operi accomodatas, hinc eunt, redeunt, vario in
variis

(m) Hæmastat. p. 12.

(n) Hist. Animal. L. 3. C. 19.

variis tempore menstrua. Ordinario vero recurrunt singulis mensibus, sine ratione lunæ legibus habita, ut vult vulgare sed falsum illud carmen,

Luna vetus vetulas, juvenes nova luna repurgat.

Triduum plerumque durat hæc evacuatio fæminis modice purgari solitis; hæc tamen differunt ob causas (§. X.) citatas.

§. XIII. Hoc tempore virgo viro matura, & ad concipiendum apta putatur: opus sane potius admirandum, quam explicandum, ut viri maximi confessi sunt; ergo de eo paucissima dicam. Ad hunc confertur a parte maris, Semen, liquor in testiculis ex sanguine secretus, & confectus, per vasa deferentia in vesiculas seminales delatus, ibique asservatus, spiritibus dives, maxime elaboratus, corpori humano vigorem addendo aptissimus, quod ab effectibus ejus in corpore virili dum præsens est aut deficit, conspicuum est; adeo ut hic liquor tramites totius, sive organismum corporis humani in parvo puncto concentratum secum ferat, haud secus ac in semine plantæ, structuram totius corporis vegetabilis, in quo subsistit, continente: post accuratam mediantibus microscopiis inspectionem, hoc virile semen animalculis exiguis, vivis, caudatis oblongis scatere sistit Leeuwenhoek.

§. XIV. Principium vero a fæmina suppeditandum est ovum; constans liquore tenui, ad ignem concrescibili, capsulis binis membranaceis concentricis, sibi arctissime nexis, contento; hæc ova inferne per calicem crassiusculum ipsi substantiæ ovarii sunt concreta; quæ ovaria majora ac minora pro ætatis ratione observantur; in puellis parva, sensim majora, tempore prolificationis maxima, in vietus iterum diminuta; ovula autem post usum veneris ferre tantum eminentia apparent; & impregnari possunt, (introitu nempe unius in motu perseverantis animalculorum (§. XIII.) in ea) vel in ipso ovario, ut talia prostant exempla; vel horum fit delatio per Tubam Fallopianam, quarum cellulosi recessibus etiam inventi fuere fætus; vel denique ope lacertorum musculosorum hujus tubæ propelluntur, inque uteri cavum dimittuntur; ubi semine maris accedente fœventur, hoc vero absente expelluntur, (o). Si autem ovum in utero imprægnatum sit; conceptu inde facto, clauditur illico internum uteri orificium, mediantibus ejusdem musculis & jugis membranosis in cervice positis; obturatur copio-

(o) Boerhaav. Inst. Med. §. 671.

fo ibidem exsudante humore lento & tenaci (p); hæretque præterea fœtus intra suas membranas nunc nomine Chorion & Amnion gaudentes, in mediis continuo renovandis aquis, defensus proinde ab omni pressione inæquali, & ab ingressu peregrinorum, quin & seclusus ab aëre externo, nondum a fœtu hauriendo. Ex Calice ovi etiam nunc fit Placenta, substantiâ spongiosa, forte glandulosa, in duplicatione Chorii involuta, vasisque innumeris constans, quæ porulis descriptis (§. V.) inferuntur, indeque formatur communicatio inter matrem & fœtum, qua hic ab illa, nutrimentum (ni fallor) præcipuum haurit, dum utero includitur.

Sic videmus, animalculum quondam, crescentem demum & explicantem, ubi calor, motus, nutrimentum subtilissimum, locus denique aptus, simul ita conspirant, ut latentes adumbratæ partes evolvi queant; nunc tandem verum homuncionem constituere.

Num funis umbilicalis, fœtus vel placentæ productio sit; & quando nexus inter se mutuus formatur; quo denique tempore, corpori anima rationalis infunditur; de his verba sane non faciam; illis autem qui doctrina pleniori valent, genio & otio aptis gaudent, vel quos tales disquisitiones delectant, pensum hocce excutiendum lubenter relinquam.

§. XV. His ita dispositis foemina vocatur gravida, in cujus status signa inquirere nunc postulat ordo.

Sæpe numero Medici a meretriculis aliisque hujus farinae mulierculis, graviditatem occultantibus, tentantur, provocationem menstruum (ad procurandum nempe abortum, quod anxietas annuntiantur) urgendo.

*Quod nequæ in armeniis tigres fecere latebris;
Perdere nec fœtus ausa leonæ suos.*

*At teneræ faciunt, sed non impune puellæ;
Sæpe, suos utero quæ necat, ipsa perit.*

Ovid. L. 2. amor. Eleg. 14.
Æquum enim est, necis artifices arte perire suæ: hinc

*Quæ prima instituit teneros avellere fœtus,
Militia fuerat digna perire sua.*

Unumquemque ergo prudentem, conscientiosum ac circumspexitum, medicum, eo solertius in cognoscenda hujus status signa, incumbere decet, ut sciat quæ vitare, & quæ contra medicamenta illæsa conscientiam ægrotis his citra periculum præbere liceat; male

(p) vid. §. V. Nortwyke Uter. Hum. Gravid. Anat. & Hist. §. 4.

le enim facerent medici si ipsis omnem opem denegarent, tunc enim ad vetulas vel Empyricos confugerent, & ab illis opem quaererent; qui ipsas nonnunquam per violenta & drastica medicamenta cum foetu in evidens vitae periculum conjicere possunt: hinc ergo dissimulare debemus, nos illarum dolum & astum percipere, & fingere ipsis ad menstrua aliquid daturus, quod autem non nisi post longius temporis intervallum effectum demonstrabit, (habet enim medicina stratagemata sua, praeque hae fraudes huic facultati permixtae sunt) interea quae pro confortando foetu & abortu praecavendo revisa fuere, ordinanda; sic deinde minus metuendum erit de efficacia, si forsan aliunde aliquid nactae fuerunt.

§. XVI. Signa graviditatis ut difficillime, si aliis simul morbis ex graviditate ortum non ducentibus, ut v. g. hysterica passione, hydrope ascitide mensium suppressione concomitante, laborant, distinguantur; sic facillime cognoscuntur, si modo absint morbi, qui extra imprægnationem etiam oriuntur. Primaria tamen signa, quibus in omni casu, ut puto, confidere possumus sunt haec sequentia, si nempe conjuncta appareant. (α) Constitutio mulieris ad concipiendum idonea, quae a parentibus foecundis nata. (β) Si semen post concubitum retineatur, nec excidat. (γ) Si obstetrix, orificio uteri interno tactu explorato, idem exacte clausum, & rostrum catelli recens nati representans; invenit: Contingit quidem propter schirrum vel inflammationem &c. os uteri comprimi, sed id dignoscetur loci duritie, & dolore, cæterisque signis tales morbos concomitantibus. (δ) Suppressio menstruorum cum subsequentiis fastidiis, nauseis, vomitibus, aliisque de quibus postea mentionem faciemus; hæc symptomata grandescente foetu sensim omnia minuuntur, tandemque evanescunt. (ε) Tumor abdominis, qui sensim increscit, & ab imo ad summum protuberat, nullis morbi alicujus praesentibus signis. (ζ) Motus foetus in utero, qui accidit plerumque circa medium gestationis temporis; hic in principio subsaltorius, postea vero fit magis manifestus, lenis, blandus ac ordinatus, quem manus calens imposita animadvertere potest; in quibusdam citius in aliis tardius percipitur. (η) Sensim quoque mammae augentur, papillae rubescunt, pruritu tentantur, & circulus eas ambiens magis fuscus redditur, tandem majori sanguinis copia affluente, lac in mammis colligitur, illudque aliquando reddunt. (θ) Urina sanæ similis apparens, pro conceptionis nota tunc temporis etiam aliquo modo haberi potest; in aliis enim morbis, urinae plerumque crudæ, vel aliter mutatae appa-

parent. Simul juncta inquam hæc debent esse, vel saltem præcipua horum, alias probabilia quidem, non tamen absolute vera & conclusiva sunt.

Nam v. g. a deficientibus menstruis, imprægnatio statim non est predicanda, quia in multis honestis & illibatis personis accidere solet; & quando ex morbifica causa cohibentur, symptomata augentur indies, non mitescunt nisi revocata solita purgatione, ideo *Hipp. si mulier non sit menstrualis, neque febris neque rigore superveniente, & fastidia cibi incidant, judica ipsam in utero habere (q)*; sin autem symptomata mensium suppressionem concomitantia, 3^{io}. mense minuantur & tandem omnino evanescant, quæ si interrogatæ, annuntiant, simul color faciei ac appetitus restituti fuerint, magna & justa imprægnationis suspicio adest. Ab hac etiam suppressione morbifica, Hydrops sive Uteri sive abdominis ascites; & proinde tumor ventris supervenire potest; qui difficile aliquando ab ipsa graviditate distinguitur, multisque imposuit medicis; si autem palma manus unius alteri abdominis lateri imposita, dum digitis alterius manus, oppositum latus percutiatur, fluctuatio sentitur, certissimum præbet hydropis signum, præcipue si eodem tempore mammæ fiunt minores & flaccescunt; tumor ventris non ad summum protrudit, neque color faciei vividus & vegetus adest. Lac etiam in mammis, a suppressione mensium, jam olim anotavit *Hipp. (r)*.

§. XVII. Præter hæc signa (§. XVI.) dantur aliquando quædam peculiarissima, quæ in quibusdam mulieribus ex peculiari *idiosyncrasia* eveniunt, quæque ipsis quidem certa ac infallibilia sunt; sed quia sunt particularia non de omnibus testantur; e. g. Quædam mox quando concipiunt mane horride vomunt; aliæ libidine pruriunt, sed facta conceptione ardor videtur extinctus, *Panarolus Pent. 3. obs. 9.* Narrat *Idem* exemplum de muliere, quæ quoties fuit gravida, venam circa genu insigniter tumidam habuit. Et extant exempla de mulieribus, quæ nunquam menstrua passa sunt nisi gravidæ. &c.

§. XVIII. Præsentem nunc graviditatem, magnam scum trahit cæteram morborum quæ fere omnia eo periculum inducunt quod ad abortum tendunt, quocum causas plerumque communes habent, neque multum differunt in curatione; hoc ergo rite exposto, illi minime latebunt; hinc abortum, quasi summum malorum

(q) Aph. 61. L. 5. (r) Id Aph. 39.

rum omnium quibus affectæ sunt gravidæ, discutere totam nava-
bo operam; & ne extra limites opusculi hujusce generis vagarer,
reliquos vel in tactos relinquam, vel leviori calamo percurram.

Brevitati Institutæ nequaquam congrueret, si omnia hujus mor-
bi nomina, variasque distinctiones, a diversis medicæ scriptoribus,
huic pro vario tempore post conceptum accidenti aliisve circum-
stantiis consignatas, inferere conarem: qui cupiunt, consulent And.
Laurent., Hoffman, &c.

§. XIX. Quamvis proprie tenuitatis conscius, probe noverim,
quam parum valeat in re tam gravi, meum testimonium; opinio-
nem tamen offerre mihi liceat. Ab omnibus rite quantum potui
consideratis, mihi placet, A B O R T U M esse foetus immaturi in lu-
cem editio, quocunque tempore fieret, post conformationem, &
antequam capax ferre aerem externum existit, vel ingesta necessa-
ria elaborare, & in naturam sui corporis convertere, potest; qua-
cunque demum causa hæc concitatur & commovetur.

Absoluta jam definitione, ad causas excitantes nosmet accinga-
mus. Et hic nullo modo impar erit observare, quasdam esse,
quæ, aliis expositis, facillime intelliguntur, ideoque plus quam e-
numerationem harum supervacaneam fore. Utinam mihi datum
fuisse par voluntati otium & ingenium haud impar, tum alias for-
te fusius tractassem.

§. XX. Abortus varias agnoscit causas & a Matre & a foetu.
A parte Matris, peccantibus *fluidis* vel *solidis*. Fluida *quantitate*
& *qualitate* peccant. Solida autem ob *rigiditatem*, *laxitatem*, *malam*
conformationem uteri, *partiumve vicinarum*. A parte foetus *situs ma-*
lus, *pondus* &c.

His addi possunt quædam accidentia, quæ aliquando haud sine
magno periculo gravidis eveniunt abortumque producant; qualia
sunt postea enumerabo.

§. XXI. Ad vitium humorum quantitate peccantium spectat
copia nimis adaucta vel diminuta.

Gravidæ non raro nimia quantitate sanguinis i. e. plethora la-
borare, & a priori & posteriori facillime probatur. Cum autem
hæc causa hoc aliisque morbis gravidarum producendis reliquis
antecellit, & sine qua illæ parum valent, in animo est paulo mi-
nutius de ea agere. Sciendum tunc est, quod, facta ingravidatio-
ne non fiat sanguinis menstrui evacuatio; nam licet eadem & chy-
li & sanguinis copia elaboretur, idemque detur locus ubi colligi-
tur, tamen aliquid licet parum a foetu consumatur, & pro secun-
dinis

dinis impendatur, hæc enim plus incrementi capiunt primis mensibus quam ipse foetus; Consumptio hæc augetur de die in diem, ita ut primo mense copia non erit tanta ac si non fuisset gravida: tamen quando primo vice fluere debuissent, si non fuisset imprægnata, quosdam patitur dolores in locis consuetis, nec mirum; omnis enim sanguis nondum a foetu consumitur, unde quædam quidem arietatio in hæcce vasa, verum non tanta ut capax sit elasticitatem eorum superare, & per consequens sanguinem per illa loca expellere.

Sed ulterius prosequamur gravidam usque in 2dum conceptus mensem, videbimus eam conqueri de dolore immani & lancinante circa easdem partes; non mirum revera: foetus enim tam parvus existit paucoque indigeat alimento, ut tanta si non major sanguinis copia fuerit collecta, quam quidem primo mense, si non fuisset gravida; pressio ne foret eadem verum, provida natura duce, portio quædam ad placentam pellitur; Cum vero omnis sanguis ob tenellum foetum, & vasa non satis ampla, ibi nondum contineri queat; portio alia reiterat arietationes & pressiones in vasa se deplere consueta; hæc vero non sunt tantæ ut omnium elasticitatem superent; minorem vero quorundam utpote minus resistentium superatur elasticitas; unde hæc vascula quasdam paucas guttas transcolant, certo plane argumento, quod plethora adsit, verum quæ vis allata diminuta.

Porro tertio mense elapso non tanta fit pressio vel arietatio, unde tum non ita frequenter fiunt abortus; In promptu est ratio; vasa enim uteri tum plus se accommodarunt ad omnem sanguinem accipiendum, & in bonum foetus conservandum, qui hoc tempore liberaliori indiget alimento; quo enim foetus plus increfcit, eo uterum plus distendit; quo uterus plus distenditur, eo plus accrescit in mole, & omnia vasa fiunt ampliora. Hinc abortus sunt rari post tertium mensem, nisi a causa violenta.

A posteriori plethorem indicant, innumeræ pene observationes V. Snis. largissimæ & frequentissimæ (imo ad 40^{ties}. (s)), Hæmorrhagiarum, aliarumque evacuationum, hoc tempore multoties in magna copia, salvo tamen & foetu & matre, factarum; imo tam notoriæ ut superfluum esset exempla adducere.

Plethora autem dignoscitur (si sola sit) per pulsum magnum, ple-

(s) Vander Wiel Obs. 66. cent. 1.

plenum, & fortem, colorem floridum, tumorem venarum, sensum plenitudinis, & non raro per eruptionem sanguinis ex naribus, faucibus, & aliquando ex vaginæ vasis, quod bonum. Si ante conceptum, subjecta fuit foemina magno profluvio mensium, magis nunc proinde eminet periculum.

§. XXII. A sanguine adaucto quomodo producit abortus ex jam dictis (§. XII.) constat, nempe distensione vasorum uteri & placentæ, unde ita a se invicem recedunt ut soluta continuitate, oriatu fluor uterinus magnus, qui si aliquandiu durat, producit foetus immaturi exclusionem i. e. abortum.

§. XXIII. Hac eadem causa, nempe plethora, alia, plurimorum symptomatum mater deveniat (qui tanquam novi morbi considerari queunt) ut sunt *Anhelatio, dyspnea, anxietas, animi deliquium; nausea, vomitus, prostratus appetitus, urinae suppressio, varices, Inflatio pedum, uterinorumque labiorum; vertigo, dolores stomachi, inguinum, renum, mammarum, partium gravitas, fluor uterinus* &c. quæ omnia symptomata & adhuc alia varia, a sola plethora dependentia, primis plerumque ^{mensibus} graviditatis contingentia, prout ab una eademque pendeant causa, eodem etiam remedio, sanguinis nempe missione, tolli vel præcavere debeant; hac enim ratione tristis abortio, aliaque quæ gravidis invadunt incomoda egregie avertuntur, in qua instituenda, tempus, locus, & copia maxime advertenda. *Tempus* esto præprimis 2do vel 3tio a conceptu mense, vel octiduum ante quando si non fuisset gravida 2da vel 3tia vice menses instarent; præcisum tamen tempus determinari nequit, urgente enim necessitate notata per violentiam symptomatum, omni tempore licet instituere etiamque repetere; hoc præcipue notandum est de illis quæ semel abortierunt, utpote quæ crebrius in idem malum incidunt. *Locus* sit semper in brachio; in pede enim instituta V.S. magnam & subitanam nimis producit revulsionem, quæ summopere metuenda, nam si ullibi, revera hic loci verissimum est, quod omnis subitanea mutatio sit pessima. *Copia* determinatur prout foemina plus minusve fuerit plethorica, prout vires plus integræ persistant, & symptomata sint vehementiora; porro primis mensibus plus licet detrahare quam mediis vel ultimis; verum necessitate urgente etiam tunc larga copia est evacuanda. In gravida vero tenerella non ita tuto secatur vena, si tamen symptomata nullis remediis superanda urgeant, non omittenda est, caute vero & moderate fiat.

§. XXIV. Si prægressa fuere sanguinis aliorumve humorum ni-

miae evacuationes, ut e. g. post menstrua nimia copia fluentia, post assumptum purgans, dysenteriam, vomitum, ac hæmorrhoides largiter fluentes; porro si foemina morbo diuturno antea fuit exhausta, vel si a natura est admodum tenella & exsucca, talis si foemina gravida redditur; vel licet sana ac vegeta extiterit ante imprægnationem, si tales sensibiles evacuationes nimia quantitate, ipsa jam imprægnata, fiunt, peccans adest imminuta sanguinis quantitas; sic gravida ex nimio sanguinis profluvio mortua (t), & passim multa talia exempla adfert *Mauriceau*, in suis observ.: proinde vero multa mala fiunt; laxat enim solida, hydropem, tumorem œdematosum, cachexiam, tabem, hystericam passionem, convulsionem, singultum & varia alia ex defectu humorum provenientia, sed præcipue in gravidis animi deliquium, fluorem uterinum, abortum producit; teste *Hipp.* (u). Quomodo autem vel qua ratione his efficitur abortus, in promptu est; nam propter habitum teneriorem & laxiorem, vix queat mater ex alimentis talem quantitatem boni chyli conficere, ut sufficiat ad sui ipsius nutritionem: & per magnas evacuationes, corpus non solum humoribus jam elaboratis & ad nutritionem aptis orbatur, debileque & laxum redditur, verum etiam inde ad alios humores nutritivos conficiendos ineptum evadit; impedita enim ingestorum assimilatio in naturam liquidi vitalis sani, debetur jacturæ nimiae humoris boni, & inertia virium solidorum in liquida (w); porro inde partes uteri laxiores ac magis lubricæ redduntur; unde duplici ratione ab hac causa metuendus est abortus, nempe vel moriatur foetus propter defectum alimenti, vel excludatur propter laxitatem partium continentium.

§. XXV. Curatio consistit in ablatione causæ, quæ obtinebitur (α) nutrimento boni succi facilisque digestionis, parvâ copiâ sæpæ repetitâ, sumendo; (β) iis quæ fibras vasorum nimis flaccidas roborare valent; (γ) quæ fibras stimulando vasa inertia & humores stagnantes movent: quia vero simul cum defectu sanguinis plerumque vitiosa qualitas peccat, hinc prius accurate indoles propria humoris vitiosi, qui in ægro prædominans peccat, examinanda est, tum enim eligenda est ea materies cardiacorum, quæ opposita sit illi detecto vitio; quænam vero hæc sint, & quibus cautelis adhibenda, Lege, in elegantissimo Boerhaavii capite de cardiacis in *Inst. Med.*; pauca adferam: Nutrimenta talia sunt, panis bene fer-

(t) A. N. C. Dec. 3. Aº. 7. obs. 76.

(u) L. 5. Aph. 44.

(w) Boerhaav. Aphor. 25.

fermentatus, Biscoctus, lacticia, jura carniū juniorum animalium, facta cum hordeo, oryza, scorzonero, apio, Endivia, lactuca &c. cui adde aliquid macis, & 1 vel. 2^{os} vitellos ovorum, fumant omni quadrantis horæ spatio cochlearia duo vel tria; conveniunt hic potus ex aqua hordei cum aq. cinnam. succ. citri & pauco saccharo & aliquot unc. vini, parati; cerevisiæ crassæ, vina hyspanica, canariētia, &c. parva copia data. Instituatur etiam lenissima deambulatio post assumptum cibum; omnia enim viscera tunc melius suo funguntur munere; vitent omnes & corporis & animi motus vehementes.

§. XXVI. Procedamus nunc indagare quænam sunt vitiosæ qualitates humorum quibus gravidæ sæpe laborant, & quæ causæ abortus fieri possint. Hæ sunt Visciditas, Tenuitas, acrimonia.

Non opus est hic impendere verba, quomodo Lentor seu visciditas sanguini inducatur; sed me satisfacturum arbitror, si demonstravero quasdam hujus effectus, signa, curationem, etiam quo pacto hinc abortus produci queat, ut præcaveatur.

§. XXVII. Humores visci di in corpore nostro nati, actione circulationis (plerumque nunc temporis debili) difficilius solvuntur, partes ejus tenacius cohærent inter se, & cum lateribus vasorum, & accumulatur in minutissimis vasculis; multa ab hinc eduntur phœnomina, quæ utpote facile intelligibilia, brevitatique studens cuncta non explicabo; sed plurima solummodo repetam: ob infarctionem pulmonum oritur *anbelitas*, *dyspnea*, *anxietas*; hæc ultima etiam interdum jecori male se habenti originem debet; in ore colligitur *multum visci di* circa dentes, in faucibus, mane os pituita plenum, facies & palpebræ *tumidiore*, *pallidæ*; ventriculus a pituita oppletus, *tumet*, *inflatur*, *nauseam* & *vomitum* patitur; a minima assumptione implentur, massa enim hæc viscida quasi fermentat, & quia aëris bullulæ excitatæ difficulter sese extricant, hinc tota massa intumescit; inde *flatuum eructatio multa* sine levamine: In intestinis sic accumulatur, *venter inflatur*, fiunt *murmura*, *flatus*, *borborygmi*, *crepitus*; Bilis, succique pancreatici saponacea vis extinguatur; hinc ingesta, quia simul tonus ventriculi ac intestinorum maxime debilitatus est, non mutantur in bonos ac laudabiles humores, verum singula propriam suam naturam sequentia, variæ & oppositæ acrimoniarum species producantur; unde *prostratus iterum appetitus*, *cibique fastidium*, *cardialgia*, *pica malacia*,

Βελήμιος, Κοροβήσις &c. hujus absurdorum appetitus mira extant exempla (x).

In sanguine existente viscidate; *tardiores circulationem, colorem pallidum, frigus gravitatem, solidorum laxitatem ac inertiam, leucopblegmatiam, edema pendentium, secretiones & omnes excretiones tardiores, viscidiores* producit; hinc *Urina alba, cruda, contentis saturata, vel pallida, tenuis; incessus tardior, sedendi ac decumbendi amor, pigritia, sensuum torpor, somnolentia, incubus, vertigo.*

§. XXVIII. Notum nunc est, ut foetus in utero materno sanus sit; requiri, ut alatur bono & laudabile alimento; Impossibile autem foret, illum haurire posse bonum alimentum, cum mater ipsa nunc eo destituitur; deficit enim vis viscerum matris, imo aliquando ita pica laborat, ut absurda plane appetat, quæ minimè in bonum chylum, multo minus in bonum sanguinem converti possunt; hinc ea vel indissoluta manebunt, vel suam propriam servabunt indolem; hincque quo minus laudabile alimentum a matre assumatur, eo major oriatur humorum a statu sano abalienatio; foetus fit debilis, destituitur namque bono alimento; unde moritur, & tum statim ejicitur, quod in hoc casu tum optimum; vel per multum temporis retinetur & corrumpitur; unde tum matri maxima & incurabilia patrat mala.

§. XXIX. Curatio perficitur (1) Evacuantibus (2) Resolventibus (3) acrimoniam corrigentibus.

1. Si in ventriculo hæreat collectum viscidum, præstat saburram educere, hinc bibant incidentia & lenitur sursum moventia, postque singulum vomitum haustum aquæ callidæ assumant, donec sponte cessat; dein curatio ulterius peragenda, stomachicis, amaris, Roborantibus. In intestina delata pituita inde expellenda purgantibus mitioribus, eccoproticis, requiruntur ergo talia quæ leni saponacea vi ac roborante prædita sunt, ut Manna, Cassia, tamarindi, myrobalani, pruna acido dulcia, Rheum, fenna; cum his, aliquamdiu pergendum, ut alvus lubrica fervetur; maxima vero cum cautela adhibenda sunt & hæc & vomitoria, nec unquam (si plethora adsit) proferenda, sed post V. S. institutam; & siurbationes aliquæ ab iis excitantur, opiatissedentur.

2. Materia viscida plerumque generata in sanguine, cæterisque humoribus circulantibus, quod minor actio solidorum; Indicatur

(x) Vid. Tulp. l. 2. c. 24. Mizaldi memorab. cent. 1. obs. 28. Id. Ibid. cent. 7. obs. 78.

ergo illam actionem & dependentem circulationem esse adaugendam; nec minori cautela hoc peragendum; illa enim lenta diuturnaue stagnatione inviscata materies non potest unico quasi momento in fluorem redigi. Ut igitur periculum & maxime quidem in gravidis, evitemus, media insifienda est via; a lenissimis incipiendum ad fortiora pergendum: illa medicamenta petuntur ex attenuantibus, saponaceis, amaris, aromaticis; instituantur frictiones cum pennis alperis fumo aromatico, aut spirituofo aspersis. Porro evitandæ sunt omnis causæ viscidum producentes; potus & cibus sit bene fermentatus, aromaticis conditus (§. XXV.); aër ficcus, serenus, apricus, modice calidus eligendus; corpus nunquam in otio torpeat, sed levi motu exercentur; neque somnus neque vigilia modum excedant.

3. Hoc fit ingerendo talia liquidis peccantibus contraria, sed hoc obtinere multum facessit negotii, ut enim corrigatur noxium, cognoscenda est diversorum horum natura, & extinguens antidotum; varia talia prostant quæ vel ex morbo vel ex vitiato humore nomen habentia, vocantur antacida, antialcalica, antiscorbutica, antihectica, antipureton &c; hæc si explicarentur nimium occuparent spatium, hinc ergo singuli horum tituli apud materiæ medicæ scriptores evolvendi ac inspiciendi sunt.

§. XXX. Nunc differendum est de causa hujus morbi altera in vitiosa qualitate fluidorum existente, scil. *Tenuitate* nimia fluidorum.

Occulatissimus *Leeuwenhoek*, vir incomparabilis industriæ in his indagandis, experimentis sedulò & accuratè factis, evicit, globulum unum cruoris rubri ex sex serosis tantum constare, hos ex sex lymphaticis, & sic deinceps donec ad globulos perveneris, qui suâ parvitate omnem captum fugiunt, & tandem in incredibilem adeo subtilitatem abeunt quæ omnem omnino imaginationis vim exsuperet. Hi globuli haud ita arcte uniuntur, quin sponte separentur, si solida, quæ sunt instar vis comprimantis, nimis inertia fiant; nam quo debiliora vasa fiunt, eo tenuiores humores facti sunt: sanguis enim solâ efficaciâ vasorum compingitur; quâ deficiente, globulis tardius motis, certè fiet eorum divisio in globulos minores, ex quibus componuntur: inde fluida plasticam suam naturam, propriumque cohæsionis gradum, amittunt, fit colluvies serosa, dissolutio, & nimia liquorum attenuatio; qui quando propria crassities abest, nimis copiose in vasa lateralia derivantur, hinc per arteriolas uteri evanescentes (§. VI.) transeunt, inque cavitationem ejus stillantes, nexus placentæ solvitur, & ipse fiat fluor ute-

rinus, posteaque abortus. Sphæularum hanc humorum separationem, qua sanguis rubore suo, & alii coloribus propriis, privati sunt, dissolutionem vel attenuationem secundum causas dicimus. Ad hanc vero haud minimum conducit, nimius usus aquosorum, quæ simul diluunt & relaxant; & Attenuantium proprie dictorum, vel victuum vel medicamentorum, quæ particularum suarum figura vel rigiditate, cohesiones globulorum dividunt; sed quæ parum valent nisi diluentibus juncta sunt. Si nunc in gravidis tales etiam concurrunt causæ, quibus inferiora laxantur, & eo sanguis attrahitur, quidnam mali non expectandum est. Hinc merito damnandus est mos ille deterrimus ignem pedibus perpetim supponendi, dum quotidianis ingurgitationibus Theæ Coffeæque impletur corpus, præcipue si eodem tempore adsit habitus mollior, multumque otii; de quibus ait magnus Boerhaav. se novisse quasdam, quæ vix integra septimana a mensibus liberæ fuerunt; & ipse monet quod nisi ad labores redeant, 4^{mo} Anno ætatis Hydropicæ pereunt; & si conceperint plerumque abortiunt. (*)

Hæc eadem vivendi ratio, cum eodem tempore plagas humidæ incolunt, magnopere ad fluorem album producendum confert; & hoc confirmatur abhinc, quod sæpius accidit opipare & otiose viventibus, quam iis quæ labore exercentur, & victu duriori utuntur; & ni fallit historia, medico in hac urbe ingeniosissimo, mihi communicata, confirmationem dant fœminæ Batavæ, præcipue incolæ Amstelodami & viciniorum, utpote quæ multum hoc morbo laborant. Abhinc etiam fiat sterilitas, immediate nempe uterum humidum reddendo, ut Effatus sit Hipp. (+) vel mediate per frequentes abortiones uterum laxando; cujus ultimi veritas jam diu patuit.

Vis etiam attenuantium hocce in casu minime dubitandum est; ego ipse, solo usu *flor. sulph.* cum *melle* pluribus diebus repetiti, talem vidi fluorem uterinum, fœminæ generosæ accidisse, nempe in principio 7^{mi}. mensis, ut cito abortierit, nec sine ultimo periculo evaserit.

§. XXXI. Curatio absolvitur talibus quæ sanguini suam densitatem restituunt, solida laxata roborant; ad quæ nil magis conducit, quam medicina Gymnastica, frictiones &c. de quibus antea;

Quæ

(*) Vid. Haller. not. in Inst. Boerhaav. vol. 6. p. 93. (+) L. 5. Aph. 63.

Quæ aquositatem sanguini inducunt, sub titulo victuum vel medicaminum, vitare; contra vero victu maxima nutriendi facultate prædito, itaque preparato quod vix actione corporis indigeat, ut in nutrimentum abeat, attamen non cito putrescente; medicamentis incrassantibus, subastringentibus, roborantibus, uti, debemus. Confer §. XXV. & XXIX. 2.

§. XXXII. Antequam ad vitia solidorum transeo, parumper liceat hic de vomitu in initio gravidationis superveniente agere, qui tunc temporis nil nisi symptoma est, (nec multum metuendum) a Consensu partium & menstruis non fluentibus ortum ducens; sed si nimis diu protrahitur, stomachus debilitatur, digestio spoliatur, humores corrumpuntur; mater & foetus alimentis privantur, unde omnia solida, & viscera & vasa, laxa fiunt, & fundamentum mali habitus foetui struitur; sanguis non reficitur novo confecto chylo, hinc magis adhuc propriam suam sequitur indolem, lentescit nempe & viscidus fit, vel tenuis, & ad putrescentiam vergens. Si ergo ultra 4^{um} mensem durat hoc molestum symptoma, omni cura sedandum est: quomodo vero hoc faciendum est ex jam dictis patet.

Quomodo sanguini inducitur acrimonia (§. XXVI.), quid ab hujus stimulo metuendum est, & quævis requiritur curatio, prædictis (a §. XXIV. huc usque) perpensis, facile patebunt.

§. XXXIII. Perlustratis nunc morbis, abortum minitantibus, vitio fluidorum productis; ad alteram partem, vitia nempe solidorum, breviter me accingam.

Solida tunc sunt in causa, (1) Quando ob *nimiam rigiditatem* uerus partesque vicinæ sine ruptura expandi nequeunt; cognoscitur hoc, si mulieres carnem duriores habent, si parce purgari solent, si tota vita multum laborarunt, uno verbo si toto habitu viragines existant, vel si forte ætate nimium majori quam par est (pro prima vice) conceperint. Hinc foetus incrementum Debitum non acquirit, verum moritur, vel monstrosam adipiscitur formam, hincque expellitur. Hi casus præviniri debent laxantibus; aquosis nempe, mucilaginosi, humectantibus, oleosis &c. tum interne quam externe diu adhibitis. Præterea huc referatur Uterus scirrhusus vel male conformatus, v. g. Bipartitus; & sic etiam peccant partes vicinæ, quando male sunt dispositæ, ut luxatio vertebrarum lumbi, pelvis cavitas nimis arcta &c.

2. Si ob *laxitatem nimiam*, partes minimo motu & pondere tam facile dilatantur & cedunt, ut intus contentum foetum retinere ne-

queant; Cognoscitur signis ac curatur medicamentis contrariis prioribus (§. 33. 1.) vid. §. 24. 25. 27. 28 30.

§. XXXIV. Nunc aggrediamur ad foetum; & ipse procreat abortum, quando ob malum situm, fune nempe umbilicali collum vel corpus varie circumdato, vel ob brevitatem ipsius funis, placenta, adhæsione disruptâ, avellitur, hincque producitur fluor uterinus non sistendus, nisi & foetus & secundinas educendo. Porro ultimis mensibus, foetus, placenta, contentis in amnio & chorio humoribus, magnitudine, pondere, & quantitate auctis; Uterus sine decremento crassitie suæ mire extenditur, ascendit, remotis intestinis, superiora ac interiora versus, functionibus partium proxime adjacentium, impedimento est, illasque premit, hinc origo symptomatum multorum nullo modo permanente graviditate radicaliter curandorum, post partum vero facile cedentium; Hæc sunt *dyspnea*, *vomitus*, *urinæ suppressio*, *alvi durities* & *tarditas*, *hæmorrhoides*; &c. In quantum vero vehementia abortum minitant, imo ab eo solo periculum suum trahunt, atque attamen, aliquo modo, leniri possunt; quomodo hoc fiat, explicatis his singulis addam.

Dyspnea, fit quia Uterus assurgens in abdominis cavo omnia contenta abdominalia sursum premuntur, unde magna resistentia oritur diaphragmati, quod hinc in inspiratione eousque non potest cedere in abdomen, ut cavitas thoracis augeatur ad sufficientem aëris copiam per pulmones hauriendam; hic affectus si ullam admittit medelam, obtinetur, quieta manente ægra, & stricte evitet quæcunque passionem metus Excitent.

Vomitus. hic etiam fit, quod pressis visceribus abdominalibus situ ac mole uteri, eorum motus peristalticus fit inversus; talem etiam vomitum inormen ob ingentem foetum 8^{vo} gestationis mense notavit Mauriceau; nil hic iterum radicaliter agendum est, quieta se modo teneat ægra, & decumbat potius quam sedeat, parva copia sit dieta, potiusque sæpe repetita; interim urgente illo symptomate subinde assumat aliquid vomitum compescentis remedii; externe etiam adventriculi regionem roborantia stomachica applicari possunt.

Urinæ frequentia, *suppressio*, *stranguria*. Hæ affectus inde fiunt, quod vesica immediate utero incumbens, illa ab utero foetu repleto, & expanso, premitur in minus spatium, quo fit ut pro more expandi nequeat, ac sufficientem lotii copiam continere; hinc fit ut quo magis augetur graviditas, eo crebrius urinam emittere cogantur; porro quia uterus ascendit in abdominis cavum, ibi comprimit

mit renes ac ureteres, ita ut tam parca copia urinæ secernitur, & ad vesicam fertur, ut vim sphincteris superare nequiens, diu ibi stagnando acrimoniam suscipit, qua mucus vesicam obliniens detergitur, & illam vellicando, ad expulsionem ejus frequentiore, stranguriosam, sæpeque incassum, excitatur. Aliquando etiam accidit ut postremis mensibus gravidationis, pondere uteri & contentorum, vel foetu inverso, & capite super ossa pubis fixo, ita premittur collum vesicæ, ut impediatur urinæ excretio; fortis vero aëris inspiratio & retentio quæ quasi antagonistæ sphincteris vesicæ sunt, locum in gravidis non habent. Omnia quæ in his casibus fieri possunt, in eo consistunt, ut ægra lecto se tradat ac decumbat, sic enim vesica liberatur ab illo pondere; adhibeantur formenta renibus, & pubi applicentur, ex lacte tepido, aut decocto herbarum emollientium, & refrigerantium, malvæ, althææ, violar, parietar:, cum paucis sem. lini; eorundam infusiones ingerantur, quatenus ad mucum detersum reficiendum, acrimoniam vero obtundendam, aptæ sunt; propter vicinitatem possunt etiam clysmata foventia, ac laxantia injici, ut urinæ secretio melius peragatur; his non juvantibus ad ultimum præsidium deveniendum est, immisionem scil. catheteris, qui inunctus oleo, in vesicæ fundum, immitendus est, cujus ope urina illico exitum habitura est, sin suppressio redierit ad idem auxilium recurrendum erit, donec accidentia fuerint.

Alvi durities & tarditas. Ab uteri enim nimia extensione, æque premitur rectum intestinum posterius ac vesica Anterior, hinc in eo accumulatur fæces, & omne quod adhuc liquidum in iis supererat, per vascula absorbentia amittunt, unde non nisi solæ crassæ remanent; si hisce nunc addideris, quod viæ non sunt lubricæ, quod ob sanguinis visciditatem, glandulæ Peyerianæ non secernunt liquidum, naturali simile, quod Bilis laudabilem suam qualitatem saponaceam amisit, & quod hinc intestina suo clysmate naturali careant; clarissime patebit, cur fæces crassiores, & majori vi, ut excernantur, egent: Eam in rem victus ratio idonea admodum confert, in usum adducendo cibos, humectandi vi præditos, & intestina lubricandi, ac fæces emolliendi, utatur ergo gravida, jusculis juniorum animalium, oleoribus humectantibus, prunis, pomis, coctis &c; alvi laxitatem, si ope diætæ procurare sibi nequeat, admittat clysterem emollient: ac laxantia medicamenta; caveat vero medicus a stimulantibus, ne alvo nimis moto lethalis oboriatur diarrhæa, annotante Hipp. (y); ab altera parte prospiciat ne al-

VO

(y) Lib 5. Epid. — vid. Celsus lib. 2. ch. 7.

vo nimis adstricta, fiat tenesmus, & hinc abortus, juxta Idem Hipp. (2).

Hæmorrhoides. Ab utero incumbente, crassisque fæcibus, venæ ab utraque premuntur, redivus sanguis impeditur, earum latera ab extendente sanguine protuberant, hinc fiunt hæmorrhoides cæcæ, quæ diu durantes, disruptis repagulis, abeunt influentes: in prior statu, foveantur emollientibus, ut laxentur, postea applicentur hirudines, vel fricentur solis ficus, ut sanguis eliciatur, qui fluat donec sponte sistatur; si vero aliquid contra indicant, V. Gr. animi deliquium &c, ob nimiam copiam amissam, statim sistatur aliquid stypticum imponendo. Abhinc facile etiam intelligatur, quare gravidæ, varicibus, ac œdemate partium inferiorum & similibus sæpe laborant, & quomodo curantur.

§. XXXV. Ordine jam ducimur ad expendendas quasdam alias hujus morbi causas, sub titulo accidentium antea memoratas; Talia sunt, Motus Violenti, Lapsus, ictus, medicamenta stimulantia, hysterica, Emenagoga imprudenter adhibita, animi affectus &c.

Motus violenti. Qualis sunt Saltatio, cursus, equitatio, vectio in rheda aliisque machinis super vias stratas; his enim valde succutitur corpus, musculique exercentur; hinc magis promovetur circuitus sanguinis per venas, unde citius repletur cor, sicque sæpius contrahitur; plus sanguinis eodem tempore ad cerebrum vehitur, plures spiritus separantur, ideoque fortius contrahitur cor, majorque, sanguinis quantitas, per aortam descendantem impellitur, & in venis uteri accumulatur; tunc distenduntur vasa lateralia, succussionibus etiam multum adjuvantibus, placenta divellitur, fluxus uterinus producit. Eundem effectum aliquando in renibus ab iisdem causis vidimus.

Lapsus. Cui in procedendo gravidæ sunt maxime proclives propter æquilibrium sublatum, pondere maximo anterieus vergente, hinc non curatur nisi post partum, tempore vero gestationis aliquid levaminis afferri poterit per fascias latas, imo ventris circumductas, superiora versus ducendas; Conveniunt his foeminis, calcei lati & humiles, in procedendo habeant comitem qui eas sustineant, præterea vitent scalas, aliaque loca declivia & inæqualia. Lapsus periculum abortus inducit, vel succussione, vel impingendo abdomen in aliquod corpus durum, & tunc idem fit quod,

Ictus. qui ob vim subitam, (qua sæpe solvatur nexus placenta,

&

& forte occidatur foetus) contusionem & inflammationem utero allatam, merito periculofissimus habetur; hinc equidem non mirandum est quod in sacris scriptis legitur illum virum esse morte plectendum, qui gravidæ abdomen pugna feriret, nam ille matrem & foetum interficit. Huc etiam pertinent mali effectus, quos sæpe nimia abdominis extensio, in allevatione brachiorum & subita depressione, aut gravioris ponderis elevatione *producit*.

Medicamentorum stimulantium &c. operationem hic indagare, plus quam par est spatii occuparet; sufficiat ergo notare, quod ea ipsa ratione, qua utuntur in obstructionibus mensium, in hoc casu ventuntur; nempe quod sanguinem attenuant, motum momentumque ejus augent: ergo raro si unquam, & maximis cautelis in usum revocanda sunt, dum mulier utero gerit.

Immodicus usus veneris iisdem fere rationibus, non injuste, in causas abortiendi enumerari possunt, testante Spectatissimo J. Friend (a). & Gul. Fabricius (b).

Accidentia jam jam tradita plerumque curam feminae ipsius, vel iis curantis medici requirunt, ut evitentur; sequentia vero nempe,

Pathemata Animi, nulla humana prudentia evitanda sunt, attamen quantum corpus afficiunt, foeminae tristi sane experientia non ignorant. Sed quoniam philosopho magis quam medico convenit mutuam sympathiam inter corpus & mentem explicare iis relinquamus; contentus solummodo pauca de effectibus sensibilibus offerre, ut abhinc pateat, abortum aliquando his originem debere. Atque ex his pauca exempla proposito satisfaciat.

Nemini tunc non notum est observanti, quod in Irato homine statim nascitur validior & celerior cordis contractio, pulsus fit plenior, fortior, celerior, Tument omnia & expanduntur, etiam in macilentissimis: Calor major nascitur toto corpore, omnes fere tenduntur muscoli, truces prominent oculi, scintillantes, sanguine suffusi &c. Hæc omnia, apud Homerum, qui tam pulchre naturam ubique expressit, bene memorantur:

Irati Agamemnonis oculi igni lucenti similes erant (c); Irato Achilli ob vi abductam puellam terribiles lucebant oculi (d); Ajaci suadenti, ut arma Caperet, respondet Achilles, *sed mihi tumescit Cor ira* &c. (e) dum a Thetide arma allata Conspiceret Achilles, *statim ira subit, & oculi terribiliter sub palpebris tanquam jubar apparebant* (f). Contra

(a) Emen. ch. 9. (b) Cent. 11. obs. 80. (c) Iliad. Lib. I. pag. 7.
(d) Id. Ibid. p. 11. (e) Id. Lib. 9. p. 171. (f) Id. Lib. 19. p. 346.

Contra vero subito terrore percussus homo pallet, friget, contrahitur toto corpore, pulsus celer sed parvus & inæqualis, Cor palpitat, summa oppressio circa pulmonem & suspiria adsunt, omne robur membrorum solvitur, tremor fit totius corporis, vel & aliquando attoniti obrigescent statuæ instar, & vox faucibus hæret. Hinc frigidum timorem dixit Homerus (g), & alibi (b) pallidum timorem vocavit; dum irruentem menelaum fugit Alexander, *tremor occupavit membra, & retro secessit, & pallor occupavit genas* (i); similia & in pluribus aliis locis habet.

Quantum autem Tranquilla mentis Sennitas, vel mediocris hilaritas placida spe fulta, Conducant & sanitati tuendi, & morbis mendendis, omnibus patet: Dum dira mæstitia, & anxietas curæ etiam corpus depascuntur: hinc elegantissime cecinit Ovidius (k).

*Attenuant vigiles corpus miserabile curæ;
Adducitque cutim macies, & in aëra succus
Corporis omnis abit; vox tantum atque ossa supersunt.*

§. XXXVI. Quare abhinc metuendus est Abortus nemini parum corpus humanum student latebit; quem autem opem afferre non tam facile determinatur; Quod ad mentem spectat, optimum quod novi consilium dat Celeberrimus Boerhavius, (l), scil. " magnos affectus ratiocinio, excitamento contrarii affectus, vel divertendo sopire. Quoad corpus, varii varia requirunt; dum enim in uno vim vitæ prudenter sopire, plenitudinem minuendo, solida laxando, VSne. Evacuantibus, & laxantibus adhibitis, necesse est: In aliis eadem vis Excitanda est stimulantibus, Cardacis, & nutrientibus. Ubi vero validi animi affectus omnia turbant in corpore, & totum systema nervorum irritant, ut in hysterica passione sæpe fit; tunc confugiendum est ad illa quæ spiritus sopiunt, & omnem cerebri actionem pro tempore filere faciunt: tale imprimis auxilium dat generosus ille papaveris succus, qui parca copia sumptus lætissimum facit, & (qui ni experientia doctus cogitavisset) sensum, & instar Nepenthes Helenæ omnium malorum oblivionem; aucta dosi somnum profundum inducit, nimia copia tandem apoplexiam.

Vini usus in homine non admodum assueto similia facit, magnam

(g) Id. Lib. 9. p. 149. (b) Id. L. 14. p. 272. (i) Id. L. 3. p. 59.
(k) Metamor. Lib. 3. (l) Aph. 104.

gnam nempe hilaritatem, validos animi affectus lenit, tandem optatam omnium malorum requiem, somnum inducit.

§. XXXVII. Omnes morbi quibus gravidæ corripī possunt aliquomodo Abortum minantur, ex iis vero quidam sunt qui præcipue illas periclitantur, vel ob universam mutationem humorum, vel ob dolorem, aut actionem fortem Partis læsæ, vel ob vicinitatem loci; de quibus solum mentionem faciam.

Hi sunt febres acutæ, tussēs ferinæ, morbi omnes convulsivi, inflammatorii, præcipue intestinorum & renum, ut Ilius, colicus, nephritis, calculus renum, vel vesicæ; quorum singuli pro natura sua idoneis remediis tractandi sunt, ratione semper habita præsentī statui patientis.

§. XXXVIII. Signa imminentis Abortus, & legitimi partus magna ex parte sunt communia; nam in utroque casu cum quadam precedente horripulatione, & partium extremarum refrigeratione, dolor pressorius in lumbis, qui sese extendit ad imum ventrem, præcipitur; postea ad os sacrum, coxendicem, & inguina descendit cum pulsum arteriarum auctiori; os uteri fit humidum, & relaxatur, & evacuatio instar loturæ carniū procedit. Speciatim vero in Abortu ante expulsionem fœtus, sanguis purus cum grumis sat largâ sæpius copiâ, cum summa debilitate, & frequentius animi deliquio ejicitur (*m*).

§. XXXIX. Diagnōsis præcipue sanguinis fluxui pendet; multum ergo interest scire num ex vasis uteri seu vaginæ profluit.

Ex utero fluere noscimus 1^o. Si os uteri apertum digito immisso deprehendamus. 2^{do}. Si sanguis immoderate profluat, nam propter augmentationem vasorum uteri, multum sanguinis hæret in ejus substantia, effluxurum vero impedit placenta, hæc vero ab eo abrupta, facit illico talem hæmorrhagiam quasi victima esset recens mactata; Sed si clausus fit uterus, & fluor moderatus, lente stillans; tum non est fluxus uterinus, sed tum vasa in vagina se evacuant, quod salubre est (§. XXI.): quare fallit aliquando Aph. Hipp. (*n*) ubi ait: " Si mulier gravida sit menstrualis, fœtus non potest esse sanus.

§. XL. Prognōsis habetur a viribus & gradu sanitatis quibus gaudet

(*m*) Hoffman system. rational. Tom. 4. pars 3. S. 2. ch. 9. §. 4. Hipp. de Morb. Mulier. L. 2. §. 6. (*n*) L. 5. Aph. 60. Hoffman l. c. §. 5.

gaudet foemina; a causa magis vel minus violenta; Estque etiam eo periculosior quo adultior foetus existit; hinc ergo post sextum mensem quando vasa mire distenduntur vix possibile est, fluore uterino superveniente, impedire quin sequeretur Abortus, & saepius cum magno periculo (§. XXX.); contra vero ante hoc tempus, iuxta methodo medendi instituta & continuata, saepe fluxus coercetur, & ad debitum tempus conservatur in utero foetus; atqui si acciderit ante hoc tempus Abortus saepe adsit parvum periculum, imo forte nunquam notum fuit, foeminam tunc ab eo solo obivisse: ergo concludimus quo propior est foemina, debito tempori partus, eo magis imminet periculum, si fluore uterinos corripatur.

Hic observatu dignum est, quod dolores quo validiores sunt eo felicius ad finem ducunt partum; Ergo in tali casu resuscitandi; Imo exclusio foetus a natura hac ratione excitata, raro tam malis sequelis excipitur, (si debito tempore fit) ac operatio (§. 46.); ut pote quod citius sistit haemorrhagia & contrahitur uterus, (o). Cavendum autem est ne nimia mora sanationem eludimus.

§. XLI. Omne nunc auxilium quod in abortionis negotio, a medenti sperari ac promitti potest, in eo duntaxat consistit; ut praecaveat futurum, & imminens vel jam praesentem curet. Primum indicatum impetrare licet si ope remediorum ex dietetico, Pharmaceutico, & Chirurgico fonte petitorum, eas causas, quae pravam abortiendi dispositionem utero induxerunt, omni cura & studio amovere nitatur; tales vero quae eandem inducere possunt non minori studio impedire. Hujusce indicatus una pars jam tractata, ad alteram quae prophylactica audit, nunc aggrediamur. Eum in finem, gravida per totum gestationis tempus bonum in rebus NN. regimen servet; Aër igitur sit temperatus, nam nimium calidus aut frigidus nocet (p), in eo ne sint acres odores, gravesve faetores. Sit praegnantem in victu sobrietas; Cibi sint euchymi & eupepti, vitatis omnibus crudis, dyspeptis, flatuosis, acribus diureticis, emenagogis &c. nimia quantitate simul non ingerantur, sed modice pluries de die, ne concoctionem impediant, vires gravent, vomitumque inducant: Potus sit cerevisia, bene defaecata non vetusta, vinum molle, mediocris substantiae,

(o) Mem. Acad. Royal. de Chirurg p. 368. (p) Hip. L. 3. Aph. 12.

tiæ, cum cinnam. cariopn. &c. aromaticis (si delectant) infusum.

In *motu* & *quiete* sit certa ratio; deambulationes igitur & moderata profunt exercitia; cursus vero, saltus, choreas, devitent, equitatione vel venatione non delectantur: Caveant ne spem uteri avertant vehementes animi affectus, ut nimium gaudium, risus ira, timor, mæror, Zelotypia & Terror; nec medullis acrius insidens amatorius furor, disjiciat homuncionis radiculam; nocet etiam res horridas aspicere, quia terrorem maximum incutiunt; terrent parriter sonitus nimis vehementes, ut tonitruum bombardarum, fragores, clangoresque tubarum & similes. Somno placido non nimis protracto indulgendum est. Alvus nec nimium sit stricta, nec laxa nimium; aut si impuritates primas vias occuparent, non erit alienum ipsam purgare, „ *prægnantes enim sunt* „ *medicandæ, si materia turget*, Hipp., solvatur ergo leni purganti, diæta laxanti &c. Vestes pariter caveant arctiores, quæ uterum comprimunt, fœtus enim vel incrementum prohibent vel pravam ipsi figuram conciliant, ideo præstat laxioribus uti indumentis ac liberis; evitentur denique quicquid uteri spasmus valebit irritare, vel contra fibras ejus nimium laxare; quicquid musculos abdominis suscitabit, vel nervorum erithismum excitabit; quicquid humorum accendat orgasmum, vel eorum plasticam naturam destruet, atque eos eodem tempore ad inferiora attrahet.

§. XLII. Ad alterum indicatum nunc pergamus, nempe si causæ alicujus internæ vel externæ efficacia instet abortus, doloresque ventrem ac lumbos fatigent; si fieri possit, omni arte impediendus, est doloresque sedandi; hinc fœmina in lecto statim collocanda est, in omnimoda corporis ac animi quiete, omnibusque causis, appropriata opponenda sunt remedia; sic v. g. si plethora in causa esset, & vires matris constant, statim instituenda est V. S. & si opus repetenda ad læve animi deliquium; si alvus sit stricta, administratur Enema emolliens; dentur Anodyna, & si ulla apparet sanguinis distillatio, Adstringentia, inter quæ, cæteris omnibus adhuc inventis, Pil. de Styrace, & Tinct. Antiph. Pharmacop. Edinburg. palmam præripiunt, quæ adhibeantur cum infusione fol. ros. rub., cum pauxillo spir. vitrioli; potus communis sit aqua frigida, cum succo citri, vel simili frigido & acido medicamento. Hujusmodi molimina ad abortum, quoties occurrunt, toties, monente Boerhavio, e partibus superioribus mittendus

us est sanguis; Imo tantum hic valet V. S. ut lanceola quasi specifica vocari possit, nempe si plethora adsit, vel habitus abortiendi præcesserit, vel ad abortum præcavendum, vel imminensem avertendum; & qui eam negligit, solis adstringentibus confidens, sane ægris suis male consulit.

Multa extant exempla, quæ jam dicta confirmant, ex quibus haud minimum affert Celeberrimus Professor noster, D. VAN ROEN, in prælectionibus suis, de fæmina, quæ multoties abortivit, sed demum (ipso monente) V. Sæ. 2^{do} mense instituta, nempe octiduum ante menstrua prodire debuissent pro secunda vice, si non fuisset gravida, & unoquoque mense repetita usque ad septimum, foetum conservavit ad debitum tempus, & tum infantem optime valentem feliciter peperit.

§. XLIII. Si vero contra, sanguinis defectus in causa esset, vel largus fluxus sanguineus præcessisset; ægra in quiete posita, situ horizontali, adstringentibus ac anodinis non omissis; adhibeantur analeptica in quibus materia jam fere ita præparata adest, ac in corpore sano & forti sit, quæ parva sed sæpe repetita copia assumenda sunt; abstinendum tunc omnino est a V. S. sed ligaturæ extremis admovendæ sunt, ut sanguis eo per arterias dilatus, in venis moretur; & aliqui volunt ut frigida ventri applicata essent; summum est remedium in utroque casu, omnia vestimenta, primo momento solvere, ut vasa laxentur. His methodis sæpe felicissime coercetur fluxus, sed semper metuendus ne reverteret, cum plerumque tunc debetur separationi cujusdam parvæ partis placentæ, sanguis vero nunc coactus & eo concretus, quasi obturamentum devenit, quo clauduntur ora vasorum, facile vero iterum separandum, nisi foemina ipsa omni cura & prudentia in præscriptionibus medici prosequendis utitur; hinc ergo medico interest presertim adolescenti, prognosin de fluxu recidivo facere, ut & de necessitate operationis, si multum urgeret.

§. XLIV. His omnibus non, sero, vel frustra peractis, jamque evidenter omnino disruptæ sint adhæssiones Placentæ, aut ipse foetus mortuus est, consultissimum tunc est factum vel medicamentis vel manuali operatione protinus expellere: Quis autem in casu tam deplorando, medicaminibus confideret? Quum antequam iis possibile foret vires suas exercere, fluxu indefinenter procedente (ob uterum & vasa distenta manentia) perque ea ipsa aucto, actum esset de vita. Operatio erga altera sine mora instituenda est; nam

si retardatur donec misera convulsionibus corripitur, Heu! Conclamatum erit. Attamen abhinc non absolvitur suo officio medicus; sed cum interdum mira fecit natura, Prognosi facto, & (si convenit & fieri potest) alio ad concilium accersito, suum est, omnem artis suæ opem ferre ad uterum fætu & secundinis liberandum, quo solo, si omnino, Effuget spes.

§. XLV. In quantum magnopere interest scire quando necessitas hujus operationis ita urgeat, ut non sine ultimo discrimine matri & foetui dispensanda sit; ne nimis cito vel sero nimium suscipiatur: pauca de ea adjiciam. Imprimis tunc hæc necessitas dignoscitur: si placenta utero avulsa sit, cujus signa jam (§. XXXIX) tradita sunt, & adhuc magis certissimum fit, si placenta tactu ori uteri adjacere, ut aliquando accidit, percipitur; 2do. Mortuo fætu; non omitti potest; hujus equidem signa omnia plerumque fallacia sunt, attamen membranis ruptis, & ichore fætido effluente certissimum constat.

§. XLVI. Hæc operatio, tam necessaria cognitu, & Analoga huic, in omni fere partu difficili usitandæ, ut multum lubeat, de ea breviter differere vellem.

His igitur signis (§. 39. 44. 45.) præsentibus; tempus minime terendum est in prescribendis Cardiacis potionibus, astringentibusve remediis, actionem vasorum spasmodicam, & hæmorrhagiam excitantibus, non sedantibus; ora enim vasorum nesciunt coalescere, quamd præsentem foetum uterus extenditur, & nunc V. Sui. confidentius curationem committere est sanationem eludere; In expectatione enim periculum est, ne gravida sub manibus expiret, vel foetus, cara spes parentum (si vivus sit) in utero suffocetur. Dum ergo sinunt utriusque vires, jubet utriusque presens status, ad operationem accingere: nec objiciatur, quod neutrum juvendum est, si alteri subveniri non potest; quin lædatur alter.

Adhibitis ideo quæ requiruntur cautionibus, collocata convenienter ægra, superiore & inferiore parte corporis æqualiter in lecto recumbentibus, (quod in partu naturali aliter se habet), Obstetrix digitis butyro recenti vel oleo inunctis, os uteri tanget, sensimque dilatat, ita ut digitorum omnium Apices possit intrudere; hoc si gradatim & cum intermissionibus fit dolores proprie excitat. Omnia tunc cum judicio arte & industria, peragenda sunt, pro re presenti, pro foetus ætate: ore uteri ampliato, membrana digitis laceranda est, inque eam ruptam, favente aquarum lubrico flumine,

ne, immittenda manus, infantis pedes quærendi, sepositis quovis alio membro, ipsomet capite: Nec matris viribus confidas; pedibus repertis, has, si fieri potest, conjungas, trahas, vertasque infantem, ita ut facie prona, vergat ad intestinum rectum matris, sicque omnino extrahatur. Quo facto statim & secundinæ educuntur, viam monstrante funi umbilicali, Uterus sedulo repurgetur ab omnibus sanguinis grumis, membranis, si finant ægri vires, secus lochiis succedentibus, res committenda; Sublato & deligato quamprimum fætu, exciso funi umbilic: Exclusis opportune secundinis, matri providendum est. (q)

In partu naturali puerpera nisibus suis, operationem non sine dolore sollicitantibus, rem aggreditur, inchoat, perficit: at in violenta partu, arte famulante & obstetricante puerperæ opus est. Quanta igitur prudentia, doctrina, mansuetudine, experientia, indigeat obstetrix, quis ibit inficias. Absoluta partus operatione, puerpera in lectum calidum delata, omni sublato refrigerio, in medio quasi tepore blando, alta quiete contineatur, sine ullo corporis motu. Diæta præscribatur secundum indicationes; si febris ardet, tenuis sit victus, secus, lautior concedatur, ut evacuationibus sufficiant vires. Enemata emoll., aliquando prescribantur, ne humorum diversi generis falsedine irritentur viscera. Lacte generato, precedente motu horripulatorio, & febrilem rigorem mentiente, primo spissius apparet, areolam conspurcans, colore flavescens, naturale infantuli repurgamentum; mox albedine, dulcedine, consistentia donandum. Quod si non conservandi animus est, caveant ab illo perverso more vetulis sæpe usitato, spiritus fortes applicandi, vel carbonem tam prope quam ferre possit tenendi, sæpius repetendi; gratia (ut aiunt,) repellendi; quibus sæpe sic coagulatur lac, & corrugantur fibræ ut inde formantur tumores postea ad optima quævis remedia rebelles, & forte in caneros finientes: & in præscribendis saphenæ VSbus. ut aliqui volunt, prudens festina lente; remque potius naturæ solerter medicanti committas, quam remediis temere utendo, infamiam incurras.

Jam ad finem perduximus hanc curtam nimis & imperfectam dis-

(q) Hæc omnia jam dicta §. 39. 4. & a §. 42. hucusque, multum corroborantur, in Boerhav. Aph. a 1306. ad 1309. & in mem. de l'Acad. Royal de Chirurg. p. 359. & ultra, mem sur les Pertes de sang des fem. gross. per M. Puzos.

DISSERTATIO MEDICA DE ABORTU. 31

differtatiunculam; de qua, iterum, Candide Lector, cordate judica. Quod ex aliorum scriptis deprompsi, defensionem nequaquam desiderat, quod autem a me interpositum est, utpote ab adolescente arduam hanc medicinæ viam ingrediente, æqui bonique consulas.

- - - *Si quid novisti rectius istis,
Candidus imperti; si non his utere mecum.*

H O R.

Faxit Deus Ter Opt. Max. ut hæcce mea studia & Conamina dirigantur in Nominis sui Gloriam, Proximorumque Salutem.

F I N I S.



